

## 09.03 PROFIL

---

### **Maria Sedláček-Luppi – Pioniera en la politica da dunnas**



Dapi il cumenzament dals onns 80 è Maria Sedláček da Sent stada activa en la politica communal e regionala. Ella è stada l'emprima dunna en il cussegl communal da la vischnanca da Sent. Radund 20 onns pli tard è Maria Sedláček vegnida elegida sco mastrala dal circol Suot Tasna, er en quest uffizi è ella vegnida elegida sco emprima dunna en l'Engiadina. Sper quai è Maria Sedláček er stada activa tar l'Uniun dals Grischs e la Lia Rumantscha. Dapi l'onn 1972 è la dunna da 67 onns maridada cun ses um Josef oriund da la Tschechia. Els han 3 uffants, ina matta e 2 mats. Sper la politica èn oz las grondas passions da Maria Sedláček ils 5 biadis, viadis ed er far iert.

*Redacziun: Reto Mayer*